

REPUBLIC OF KIRIBATI



STATE OF DISASTER ORDER, s21, 37(3) Disaster Risk Management and Climate Change Act 2019

INFECTIOUS DISEASE ORDER, s2, 16, 19, 20 Public Health Infectious Disease Regulation

Ngai, **Te Beretitenti, Taneti Maamau**, iaan mwakau are I a tia n anganaki man te tua ae Disaster Risk Management and Climate Change Act ao Public Health Infectious Disease Regulation ao I kanakoa te tua aio ibukin waaki ake a riari ni iraki karaoaia iaon Butaritari, Tarawa ieta, Maiana, Abaiang ao Marakei ni kaineiti ma Alert Level 3 n aron aikai:-

1. Kainan te nakonako inanon 24 te aoa
2. Ana tabo ni mwakuri ma ana kambwana te Tautaeka ana bane n in ao ni waaki ni mwakuri man mwengaia, ma a na bon fii uki taabo ake a rangi ni kainanoaki ibukia te botannaomata n aron aikai:
  - Ana Aobiti te Kauntira
  - Te On Aoraki ke Kiriniki
  - Te Ikotaki ni Bureitiman
  - KOIL ao taabo ni bwaa ao gas stations
  - Bitineti ake a kaboonakoi amwarake ma moo
  - Oceanlink ke Vodafone (Taan mwakuri ibukin te itoman/reitaki)
  - Bao ni mwamwananga i taari ao kibakiba
  - Te Red Cross

□ Te KFHA

3. Ao tabeua riki rabwata ake e bon noori riaina te Tautaeaka ma te Kauntira bwa a na riai n uki n tain naba te kainiin ae imwaaia aei, ma ana riai moa ni karekea ana kariaia Te Kauntira.
4. Bitineti n aroia wholesalers ao fitoa (retailers) ake a kabonakoi amwarake ao bwainaoraki a na teimatoa n uki ibukin te botanaomata.
5. Aomata nikabane a na riai n tiku iaan mwengaia ao n aki nakonako – a na bon tii kona n nakonako rinanon aia kaawa ibukin karekean kainano aika riai n aron kabooan te amwarake, te bwaa, te karatiin ake a na riai ni katiai man 6am n te ingaabong ao 2pm n te bwakantaa.
6. Kam kaungaaki bwa kam na bon boobwai n ami aono ke ami kaawa ngkana arona bwa a reke ami bwai iai man te aoa 6 n te ingabong nakon 2 n te bwakantaa.
7. E na aki buti bao ni mamanananga n aron te truck.
8. Taabo ni mooii nangkona, mooii manging ao taabo n takakaro a na bane n in.
9. Bobotaki ni kabane a bane ni katokaki.
10. Te nako n te onnaoraki ma kiriniki a kariaiakaki ni kaineti ma ana kainibaaire te Botaki ibukin te Mauri ao Katoki Aoraki.
11. Mwamwanangaia kaibuke ao kiiba a bon kaukaki ibukin karokoan te bwaa, bwaai n aoraki ao kaako nako aonaba ri taari ao n te kibakiba ma akea bwatintia ae kariaiakaki n roko man abamakoro riki tabeua nakon aba aikai. Bon ti bwatintia n nako Tarawa ake a bae abamakoro aikai ae a na kariaiakaki n toka n oki nako Tarawa ma a na riai n ira naba nanon te kainibaaire ibukin te mwamwananga.

12. E na foki te mwamwananga imaren abamakoro aikai ma abamwakoro nako.
13. A kabaeaki bureitiman ao ana taan mwakuri te Kauntira ake a tia n mwiokoaki bwa a na tara nanon te oota ao te Regulation ao ai babaire riki ake a na kaotinakoaki imwina ba e na bane n iraki nanoia irouia aomata.
14. Babaire riki tabeua irarikin aikai aika a katawe man kawaekoaki karaoakiia a na kona ni bon ti tuangaki naba bureitiman ao ana taan mwakuri te Kauntira ake a mwiokoaki bwa a na karaoia nanoia ni kaineti ma taabo tabeua ke aomata ke mwakuri nako ao a mwaiti riki ake a noraki riaina ni karaoaki ibukin kakoroan nanon te oota ma te Regulation aio.
15. Aki iran nanon kaetieti aikai bon uruan te tua ao a na kona bureitiman ni katikiko ao ni kamatawarikiko. Ibukin buokan te matata ao uruan nanon kainibaire ake inanon te Regulation are bwebwerake ma iai te kaetieti aio bon te bure naba iaan te tua.
16. Ngkana iai te kaokoro ke te aki matata n te kaetieti ae koreaki n te taetae n Kiribati aio ma te kaetieti are koreaki ke n rairaki nakon te taetae n Imatang, ao ena riai n iraki nanon kaetieti aika a koreaki n te kaetieti n Kiribati aio.
17. Te tua ibukin abamakoro aikai e na moa bwainakina n te bong aei 4 n Beberuare n te aoa 6 n te moaningabong ni karokoa 11 Beberuare 2022 n te aoa onoua n te moaningabong.

Dated .....<sup>3</sup>.....February 2022



**HE TANETI MAAMAU**

TE BERETITENTI

Printed by exhibition at the Office of Te Beretitenti on .....<sup>3</sup>.....February 2022.



**DR. NAOMI BIRIBO**

SECRETARY TO THE CABINET